

**ԽՈՇՏԱՆԳՈՒՄՆԵՐԻ ԵՎ ԱՅԼ ԴԱԺԱՆ, ԱՆՄԱՐԴԿԱՅԻՆ ԿԱՍ ԱՐԺԱՆԱՊԱՏՎՈՒԹՅՈՒՆԸ
ՆՎԱՍՏԱՅԼՈՂ ՎԵՐԱԲԵՐՄՈՒՆՔԻ ԿԱՍ ՊԱՏԺԻ ԴԵՄ ԿՈՆՎԵՆՑԻԱՅԻ ԿԱՍԸՆՏԻՐ**

Ա Ր Ձ Ա Ն Ա Գ Ր ՈՒ Թ Յ ՈՒ Ն

Ներածություն

Սույն արձանագրության մասնակից պետությունները,

Վերահաստատելով, որ խոշտանգումները եւ այլ դաժան, անմարդկային կամ արժանապատվությունը նվաստացնող վերաբերմունքը կամ պատիժն արգելված են եւ հանդիսանում են մարդու իրավունքների լուրջ խախտու

Համոզված լինելով, որ հետագա միջոցներ են անհրաժեշտ խոշտանգումների եւ այլ դաժան, անմարդկային կամ արժանապատվությունը նվաստացնող վերաբերմունքի կամ պատժի դեմ կոնվենցիայի (այսուհետ՝ կոնվենցիա) նպատակներն իրականացնելու եւ ազատագրված անձանց՝ խոշտանգումներից եւ այլ դաժան, անմարդկային կամ արժանապատվությունը նվաստացնող վերաբերմունքից կամ պատժից պաշտպանությունն ուժեղացնելու համ

Հիշեցնելով, որ կոնվենցիայի 2-րդ եւ 16-րդ հոդվածները յուրաքանչյուր մասնակից պետության պարտավորեցնում են արդյունավետ միջոցներ ձեռնարկել խոշտանգումները եւ այլ դաժան, անմարդկային կամ արժանապատվությունը նվաստացնող վերաբերմունքը կամ պատիժն իր իրավագործությանը ենթակա ցանկացած տարածքում կանխարգելելու համա

Ընդունելով, որ պետություններն ունեն առաջնային պատասխանատվություն այդ հոդվածների իրականացման համար. Որ ազատագրված անձանց պաշտպանության ուժեղացումն ու նրանց՝ մարդու իրավունքների լիակատար հարգումը հանդիսանում են բոլորի ընդհանուր պատասխանատվությունը, եւ որ միջազգային իրականացնող մարմինները լրացնում եւ ամրապնդում են ներպետական մակարդակով իրականացվող միջոցառումներ

Հիշեցնելով, որ խոշտանգումների եւ այլ դաժան, անմարդկային կամ արժանապատվությունը նվաստացնող վերաբերմունքի կամ պատժի արդյունավետ կանխարգելումը պահանջում է ուսուցում եւ տարբեր օրենսդրական, վարչական, դատական եւ այլ միջոցների համակց

Հիշեցնելով նաեւ, որ մարդու իրավունքների համաշխարհային համաժողովը հստակորեն հայտարարել է, որ խոշտանգումների վերացմանն ուղղված ջանքերը պետք է նախ եւ առաջ ուղղված լինեն կանխարգելմանը, եւ կոչ է արել ընդունել կոնվենցիայի կամընտիր արձանագրություն՝ ազատագրված վայրեր պարբերական այցելությունների կանխարգելման համակարգ ստեղծելու մտադրությա

Համոզված լինելով, որ ազատագրված անձանց պաշտպանությունը խոշտանգումներից եւ այլ դաժան, անմարդկային կամ արժանապատվությունը նվաստացնող վերաբերմունքից կամ պատժից հնարավոր է ուժեղացնել ազատագրված վայրեր պարբերական այցելությունների վրա հիմնված կանխարգելիչ բնույթի ոչ իրավական միջոցներով

Համաձայնեցին ներքոհիշյալի մասին.

ԸՆԴՀԱՆՈՒՐ ՄԿՁԲՈՒՆՔՆԵՐ

Հոդված 1

Սույն արձանագրության նպատակն է ստեղծել անկախ միջազգային եւ ազգային մարմինների ազատագրկման վայրեր կանոնավոր այցելությունների համակարգ՝ խոշտանգումները եւ այլ դաժան, անմարդկային կամ արժանապատվությունը նվաստացնող վերաբերմունքը կամ պատիժը կանխարգելելու համա

Հոդված 2

1. Խոշտանգումների դեմ կոմիտեի՝ խոշտանգումների եւ այլ դաժան, անմարդկային կամ արժանապատվությունը նվաստացնող վերաբերմունքի կամ պատժի կանխարգելման ենթակումիտե (այսուհետ՝ կանխարգելման ենթակումիտե) կստեղծվի, եւ այն կիրականացնի սույն արձանագրությամբ ամրագրված գործառույթնե

2. Կանխարգելման ենթակումիտեն կիրականացնի իր աշխատանքները միավորված ազգերի կազմակերպության կանոնադրության շրջանակներում եւ կղեկավարվի նրա նպատակներով ու սկզբունքներով, ինչպես նաեւ միավորված ազգերի կազմակերպության՝ ազատագրկված անձանց նկատմամբ վերաբերմունքի մասին նորմերո

3. Կանխարգելման ենթակումիտեն հավասարապես կղեկավարվի գաղտնիության, անկողմնակալության, անաչառության, համընդհանրության եւ օբյեկտիվության սկզբունքներով

4. Կանխարգելման ենթակումիտեն եւ մասնակից պետությունները կհամագործակցեն սույն արձանագրության իրականացման հարցում

Հոդված 3

Յուրաքանչյուր մասնակից պետություն ազգային մակարդակով կստեղծի, կնշանակի կամ կպահի խոշտանգումների եւ այլ դաժան, անմարդկային կամ արժանապատվությունը նվաստացնող վերաբերմունքի կամ պատժի կանխարգելմամբ զբաղվող մեկ կամ մի քանի՝ այցելություն իրականացնող մարմին (այսուհետ՝ կանխարգելման ազգային մեխանիզմ)

Հոդված 4

1. Յուրաքանչյուր մասնակից պետություն պետք է թույլատրի սույն արձանագրության համաձայն, 2-րդ եւ 3-րդ հոդվածներում նշված մեխանիզմներով այցելությունները իր իրավագործության եւ հսկողության ներքո գտնվող ցանկացած վայր, որտեղ անձինք գրկված են կամ կարող են գրկվել իրենց ազատությունից (այսուհետ՝ կալանավայրեր) պետական մարմնի կողմից տրված հրամանով կամ նրա հրահրումով, ինչպես նաեւ՝ նրա համաձայնությամբ կամ թույլտվությամբ: այդ այցելությունները պետք է նախաձեռնվեն այդ անձանց՝ խոշտանգումներից եւ այլ դաժան, անմարդկային կամ արժանապատվությունը նվաստացնող վերաբերմունքից կամ պատժից պաշտպանությունը անհրաժեշտության դեպքում ուժեղացնելու նպատա

2. Սույն արձանագրության նպատակների համար ազատագրկում նշանակում է՝ անձին ցանկացած ձեւով կալանքի տակ պահել կամ բանտարկել կամ անձին հսկողության տակ պահվող հանրային կամ մասնավոր վայրում տեղավորել, որն անձին որեւէ դատական, վարչական կամ այլ մարմնի որոշմամբ չի

ԿԱՆԽԱՐԳԵԼՄԱՆ ԵՆԹԱԿՈՄԻՏԵ

Հոդված 5

1. Կանխարգելման ենթակոմիտեն պետք է կազմված լինի տասը անդամից: սույն արձանագրության հիսուներորդ վավերացումից կամ նրան միանալուց հետո կանխարգելման ենթակոմիտեի անդամների թիվը կավելանա մինչև քսանհինգը

2. Կանխարգելման ենթակոմիտեի անդամները պետք է ընտրվեն բարձր բարոյական հատկանիշներ ունեցող անձանցից, որոնք հաստատված մասնագիտական փորձ պետք է ունենան արդարադատության իրականացման բնագավառում, մասնավորապես՝ քրեական իրավունքի, բանտային կամ ոստիկանության վարչակազմում կամ ազատագրկված անձանց նկատմամբ վերաբերմունքին առնչվող տարբեր բնագավառներում:

3. Կանխարգելման ենթակոմիտեի կազմի մեջ պատշաճ կերպով պետք է հաշվի առնվի աշխարհագրական հավասար բաշխվածությունը եւ մասնակից պետությունների քաղաքակրթության ու իրավական համակարգերի տարբեր ձևերի ներկայացվածություն

4. Այդ կազմում պետք է նաեւ հաշվի առնվի հավասարակշռված գենդերային ներկայացվածությունը՝ հիմնված հավասարության եւ անխտրականության սկզբունքների վր

5. Կանխարգելման ենթակոմիտեի անդամ կարող են լինել նույն պետության ոչ ավելի, քան երկու քաղաքացիներ:

6. Կանխարգելման ենթակոմիտեի անդամները պետք է գործեն իրենց անհատական կարգավիճակով, պետք է լինեն անկախ ու անաչառ եւ հնարավորություն ունենան արդյունավետ կերպով աշխատելու կանխարգելման ենթակոմիտեում

Հոդված 6

1. Յուրաքանչյուր մասնակից պետություն կարող է սույն հոդվածի 2-րդ կետի համաձայն, առաջադրել 5-րդ հոդվածում նշված որակավորումներն ունեցող եւ պահանջները բավարարող մինչև երկու թեկնածու եւ պետք է տրամադրի թեկնածուների որակավորման վերաբերյալ մանրամասն տեղեկատվություն

2. Ա) թեկնածուները պետք է ունենան սույն արձանագրության մասնակից պետության քաղաքացիություն.

Բ) երկու թեկնածուներից առնվազն մեկը պետք է ունենա առաջադրող մասնակից պետության քաղաքացիություն.

Գ) պետք է առաջադրվի մասնակից պետության ոչ ավելի, քան երկու քաղաքացի.

Դ) մի մասնակից պետության կողմից մեկ այլ մասնակից պետության քաղաքացի առաջադրվելուց առաջ նա պետք է դիմի եւ ստանա տվյալ մասնակից պետության համաձայնությունը

3. Մասնակից պետությունների այն հանդիպման ժամկետից առնվազն հինգ ամիս առաջ, որի ընթացքում պետք է տեղի ունենան ընտրությունները, միավորված ազգերի կազմակերպության գլխավոր քարտուղարը մասնակից պետություններին պետք է ուղարկի գրություն՝ հրավիրելով նրանց երեք ամսվա ընթացքում առաջադրել իրենց թեկնածուներին: գլխավոր քարտուղարը պետք է այբբենական կարգով ներկայացնի բոլոր առաջադրված թեկնածուների ցանկը՝ նշելով նրանց առաջադրած մասնակից պետություններին:

Հոդված 7

1. Կանխարգելման ենթակումիտեի անդամները պետք է ընտրվեն հետևյալ կարգով

Ա) առաջին հերթին հաշվի է առնվելու սույն արձանագրության 5-րդ հոդվածի պահանջների եւ չափորոշիչների բավարարումը

Բ) նախնական ընտրությունը պետք է անցկացվի ոչ ուշ, քան սույն արձանագրության ուժի մեջ մտնելու օրվանից վեց ամիս հետո.

Գ) մասնակից պետությունները պետք է կանխարգելման ենթակումիտեի անդամներին ընտրեն գաղտնի քվեարկությամբ.

Դ) կանխարգելման ենթակումիտեի անդամների ընտրությունները պետք է անցկացվեն միավորված ազգերի կազմակերպության գլխավոր քարտուղարի կողմից երկու տարին մեկ հրավիրվող՝ մասնակից պետությունների հանդիպումների ընթացքում: այդ հանդիպումներին, որոնցում մասնակից պետությունների երկու երրորդը կազմում է քվորում, կանխարգելման ենթակումիտեում ընտրված կհամարվեն այն անձինք, ովքեր կհավաքեն ձայների մեծ մասը եւ ներկա գտնվող եւ քվեարկությանը մասնակցող մասնակից պետությունների ներկայացուցիչների ձայների բացարձակ մեծ մաս

2. Եթե ընտրության ընթացքում կանխարգելման ենթակումիտեի անդամ դառնալու իրավունք են ստանում մասնակից պետության երկու քաղաքացիներ, ապա կանխարգելման ենթակումիտեի անդամ կարող է դառնալ ձայների առավել քանակն ստացած թեկնածուն: Եթե երկու քաղաքացիներն էլ ստացել են նույն քանակությամբ ձայներ, ապա կիրառվում է հետևյալ ընթացակարգը

Ա) այն դեպքում, երբ մասնակից պետության կողմից առաջադրված թեկնածուներից միայն մեկն է տվյալ պետության քաղաքացի, ապա այդ քաղաքացին պետք է դառնա կանխարգելման ենթակումիտեի անդամ.

Բ) այն դեպքում, երբ մասնակից պետության կողմից առաջադրված երկու թեկնածուն էլ տվյալ պետության քաղաքացի են, պետք է անցկացվի առանձին գաղտնի քվեարկություն, որի արդյունքում կորոշվի, թե քաղաքացիներից որը պետք է դառնա անդամ.

Գ) այն դեպքում, երբ մասնակից պետության կողմից առաջադրված եւ ոչ մի թեկնածու այդ պետության քաղաքացի չէ, ապա պետք է անցկացվի առանձին գաղտնի քվեարկություն, որի արդյունքում կորոշվի, թե որ թեկնածուն կդառնա անդամ

Հոդված 8

Կանխարգելման ենթակումիտեի անդամի մահվան կամ հրաժարական տալու կամ որեւէ այլ պատճառով իր պարտականությունների հետագա կատարման անհնարինության դեպքում այդ անդամին առաջադրած մասնակից պետությունը, հաշվի առնելով իրավասության տարբեր ոլորտների միջեւ պատշաճ հավասարակշռություն պահպանելու անհրաժեշտությունը, մինչեւ մասնակից պետությունների հաջորդ ժողովը աշխատելու համար պետք է առաջադրի մեկ ուրիշ անձի, որն ունի 5-րդ հոդվածում նշված որակավորումները եւ բավարարում է պահանջները՝ մասնակից պետություններից մեծ մասի կողմից նրա թեկնածությանը հավանություն տրվելու պայմանով: հավանությունը կհամարվի ստացված, եթե միավորված ազգերի կազմակերպության գլխավոր քարտուղարի կողմից տեղեկացվելուց հետո վեց շաբաթվա ընթացքում, մասնակից պետությունների կեսը կամ ավելին բացասաբար չարտահայտվի առաջադրված նշանակման վերաբեր

Հոդված 9

Կանխարգելման ենթակումիտեի անդամները կընտրվեն չորս տարի ժամկետով: կրկին առաջադրվելու դեպքում նրանք կարող են վերընտրվել մեկ անգամ: առաջին ընտրություններում ընտրված անդամների կեսի լիազորությունների ժամկետը պետք է լրանա երկու տարի անց. Այդ

անդամների անունները կորոշվեն վիճակահանությամբ՝ առաջին ընտրություններից անմիջապես հետո՝ 7-րդ հոդվածի 1-ին կետի «դ» ենթակետում նշված հանդիպման նախագահողի կողմից:

Հոդված 10

1. Կանխարգելման ենթակումիտեն պետք է ընտրի իր պաշտոնատար անձանց երկու տարի ժամկետով: նրանք կարող են վերընտրվել:

2. Կանխարգելման ենթակումիտեն պետք է սահմանի իր ընթացակարգի կանոնները: այդ կանոնները, inter alia, պետք է նախատեսեն, որ.

Ա) անդամների կեսը, գումարած մեկ անդամը, կկազմի քվորում.

Բ) կանխարգելման ենթակումիտեի որոշումները պետք է ընդունվեն ներկա գտնվող անդամների ձայների մեծ մասով.

Գ) կանխարգելման ենթակումիտեն իր հանդիպումներն անցկացնելու է դռնփակ:

3. Միավորված ազգերի կազմակերպության գլխավոր քարտուղարը կհրավիրի կանխարգելման ենթակումիտեի առաջին ժողովը: իր առաջին հանդիպումից հետո կանխարգելման ենթակումիտեն հանդիպումները կանցկացնի իր ընթացակարգի կանոններով սահմանված պարբերականությամբ: կանխարգելման ենթակումիտեն եւ խոշտանգումների դեմ կումիտեն առնվազն տարին մեկ անգամ իրենց նիստերը կանցկացնեն միաժամանակ

Մ ա ս 3

ԿԱՆԽԱՐԳԵԼՄԱՆ ԵՆԹԱԿՈՄԻՏԵԻ ՄԱՆԴԱՏԸ

Հոդված 11

1. Կանխարգելման ենթակումիտեն պետք է.

Ա) այցելի 4-րդ հոդվածում նշված վայրերը եւ խորհրդատվություններ կազմի մասնակից պետությունների համար՝ խոշտանգումներից եւ այլ դաժան, անմարդկային կամ արժանապատվությունը նվաստացնող վերաբերմունքից կամ պատժից ազատազրկված անձանց պաշտպանության վերաբերյալ

Բ) կանխարգելման ազգային մեխանիզմների վերաբերյալ՝

Ի) տրամադրի խորհրդատվություն եւ, անհրաժեշտության դեպքում, աջակցի մասնակից պետություններին դրանց ստեղծման գործում

Իi) ապահովի անմիջական եւ, անհրաժեշտության դեպքում, գաղտնի կապ կանխարգելման ազգային մեխանիզմների հետ եւ նրանց առաջարկի կարողությունների ուժեղացմանն ուղղված ուսուցում եւ տեխնիկական աջակցություն

Իii) տրամադրի խորհրդատվություն եւ աջակցի նրանց՝ խոշտանգումներից եւ այլ դաժան, անմարդկային եւ արժանապատվությունը նվաստացնող վերաբերմունքից կամ պատժից ազատազրկված անձանց պաշտպանությունն ուժեղացնելու համար անհրաժեշտ կարիքների եւ միջոցների գնահատման հարց

Իv) կազմի խորհրդատվություններ եւ դիտողություններ մասնակից պետությունների համար՝ նպատակ ունենալով ուժեղացնել կանխարգելման ազգային մեխանիզմների կարողությունները եւ մանդատը խոշտանգումների եւ այլ դաժան, անմարդկային կամ արժանապատվությունը նվաստացնող վերաբերմունքի կամ պատժի կանխարգելման համ

Գ) ընդհանրապես խոշտանգումների կանխարգելման նպատակով համագործակցի խոշտանգումների եւ այլ դաժան, անմարդկային կամ արժանապատվությունը նվաստացնող վերաբերմունքից կամ պատժից բոլոր անձանց պաշտպանությունը ուժեղացնելու ուղղությամբ գործող՝ միավորված ազգերի կազմակերպության համապատասխան մարմինների եւ մեխանիզմների, ինչպես

նաեւ միջազգային, տարածաշրջանային եւ ազգային ինստիտուտների կամ կազմակերպությունների

Հոդված 12

Կանխարգելման ենթակումիտեին 11-րդ հոդվածով ամրագրված նրա մանդատն իրականացնելու հնարավորություն ընձեռելու համար մասնակից պետությունները պարտավորվում են.

Ա) ընդունել կանխարգելման ենթակումիտեին իրենց տարածքում եւ թույլ տալ նրան մուտք գործել սույն արձանագրության 4-րդ հոդվածով սահմանված կալանավայրեր

Բ) տրամադրել ամբողջ համապատասխան տեղեկությունները, որոնք կանխարգելման ենթակումիտեն կարող է պահանջել այն կարիքներն ու միջոցները գնահատելու համար, որոնք պետք է ընդունվեն՝ խոշտանգումներից եւ այլ դաժան, անմարդկային կամ արժանապատվությունը նվաստացնող վերաբերմունքից կամ պատժից ազատագրված անձանց պաշտպանությունն ուժեղացնելու համար

Գ) խրախուսել եւ դյուրացնել կանխարգելման ենթակումիտեի եւ կանխարգելման ազգային մեխանիզմների միջեւ կապե

Դ) ուսումնասիրել կանխարգելման ենթակումիտեի խորհրդատվությունները եւ ծավալել երկխոսություն վերջինիս հետ դրանց իրականացման հնարավոր միջոցների վերաբերյալ

Հոդված 13

1. Կանխարգելման ենթակումիտեն կսահմանի (սկզբում՝ վիճակահանությամբ) մասնակից պետություններ կատարվելիք պարբերաբար այցելությունների ծրագիրը՝ 11-րդ հոդվածով ամրագրված իր մանդատը իրականացնելու նպատակով:

2. Խորհրդատվություններից հետո կանխարգելման ենթակումիտեն տեղեկացնում է մասնակից պետություններին իր ծրագրի մասին, որպեսզի նրանք կարողանան անմիջապես ձեռնարկել այցելությունների իրականացման համար անհրաժեշտ գործնական նախապատրաստություններ:

3. Այցելությունները պետք է իրականացվեն կանխարգելման ենթակումիտեի առնվազն երկու անդամների կողմից: այդ անդամներին անհրաժեշտության դեպքում կարող են ուղեկցել սույն արձանագրության առարկայի ոլորտում ակնառու մասնագիտական փորձ եւ գիտելիքներ ունեցող փորձագետներ, ովքեր կընտրվեն մասնակից պետությունների, միավորված ազգերի կազմակերպության մարդու իրավունքների գերագույն հանձնակատարի գրասենյակի եւ միավորված ազգերի կազմակերպության միջազգային հանցագործությունների կանխարգելման կենտրոնի կողմից արված առաջարկությունների հիման վրա կազմված փորձագետների ցուցակից: ցուցակը պատրաստելիս շահագրգիռ մասնակից պետություններից յուրաքանչյուրը պետք է առաջարկի ոչ ավելի, քան հինգ ազգային փորձագետի: շահագրգիռ մասնակից պետությունը կարող է առարկել այցելությանը առանձին փորձագետի ներգրավմանը, որի դեպքում կանխարգելման ենթակումիտեն պետք է առաջարկի մեկ այլ փորձագետ

4. Եթե կանխարգելման ենթակումիտեն նպատակահարմար գտնի, կարող է առաջարկել կանոնավոր այցելությունից հետո կարճատեւ հետայցելություն

Հոդված 14

1. Կանխարգելման ենթակումիտեին իր մանդատն իրականացնելու հնարավորություն ընձեռելու նպատակով սույն արձանագրության մասնակից պետությունները պարտավորվում են նրան տրամադրել.

Ա) անսահմանափակ հնարավորություն՝ ստանալու 4-րդ հոդվածում սահմանված կալանավայրերում գտնվող ազատագրված անձանց, ինչպես նաեւ այդ վայրերի քանակի եւ դրանց գտնվելու վայրերի վերաբերյալ ամբողջ տեղեկատվություն

Բ) անսահմանափակ հնարավորություն՝ ստանալու այդ անձանց նկատմամբ վերաբերմունքի,

ինչպես նաև կալանավայրերում նրանց պայմանների վերաբերյալ ամբողջ տեղեկատվությունը

Գ) ներքոհիշյալ 2-րդ կետի պայմանի պահպանմամբ՝ անսահմանափակ հնարավորություն՝ մուտք գործելու բոլոր կալանավայրերը եւ դրանց կառույցներն ու շինությունները

Դ) հնարավորություն՝ վարելու առանձնագրույցներ ազատագրկված անձանց հետ՝ առանց վկաների, անձամբ կամ, անհրաժեշտության դեպքում, թարգմանչի միջոցով, ինչպես նաև ցանկացած այլ անձի հետ, ով, կանխարգելման ենթակումիտեի կարծիքով, կարող է համապատասխան տեղեկատվություն տրամադրել

Ե) ազատություն՝ ընտրելու այն վայրերը, ուր ցանկանում է այցելել, եւ այն անձանց, ում հետ ցանկանում է զրուցել

2. Որեւէ կալանավայր այցելություն կատարելուն կարելի է առարկել միայն անհետաձգելի եւ ծայրահեղ անհրաժեշտության հիմքերով՝ կապված պետական պաշտպանության, հասարակական անվտանգության, բնական աղետի կամ այցելության վայրում լուրջ անկարգությունների հետ, որոնք ժամանակավորապես խոչընդոտում են տվյալ այցելության իրականացմանը: հայտարարված արտակարգ իրավիճակի առկայությունը որպես այդպիսին չի կարող մասնակից պետության կողմից վկայակոչվել որպես այցելությունը մերժելու պատճառ

Հոդված 15

Ոչ մի մարմին կամ պաշտոնատար անձ չպետք է հրամայի, կիրառի, թույլատրի կամ հանդուրժի որեւէ պատժամիջոց որեւէ անձի կամ կազմակերպության նկատմամբ՝ կանխարգելման ենթակումիտեի կամ նրա պատվիրակներին որեւէ տեղեկատվություն (ճիշտ կամ սխալ) հաղորդելու համար, եւ ոչ մի նման անձի կամ կազմակերպության որեւէ այլ կերպ չպետք է վնաս հա

Հոդված 16

1. Կանխարգելման ենթակումիտեն իր խորհրդատվություններն ու դիտողությունները պետք է գաղտնի կերպով հաղորդի մասնակից պետությանը եւ անհրաժեշտության դեպքում՝ կանխարգելման ազգային մեխանիզմին

2. Կանխարգելման ենթակումիտեն պետք է հրապարակի իր հաշվետվությունը շահագրգիռ մասնակից պետության ցանկացած մեկնաբանության հետ մեկտեղ՝ մասնակից պետության կողմից նման խնդրանքի դեպքում: Եթե մասնակից պետությունը հրապարակի հաշվետվության մի մասը, ապա կանխարգելման ենթակումիտեն կարող է հրապարակել այդ հաշվետվությունն ամբողջությամբ կամ մասամբ: սակայն ոչ մի անձնական տվյալ չպետք է հրապարակվի առանց շահագրգիռ անձի բացահայտ համաձայնության:

3. Կանխարգելման ենթակումիտեն իր գործունեության վերաբերյալ պետք է խոշտանգումների դեմ կումիտեին ներկայացնի տարեկան հանրային հաշվետվություն:

4. Եթե մասնակից պետությունը հրաժարվում է 12-րդ եւ 14-րդ հոդվածների համաձայն համագործակցել կանխարգելման ենթակումիտեի հետ կամ քայլեր ձեռնարկել կանխարգելման ենթակումիտեի խորհրդատվությունների համաձայն իրավիճակը բարելավելու ուղղությամբ, ապա խոշտանգումների դեմ կումիտեն կանխարգելման ենթակումիտեի դիմումի հիման վրա այն բանից հետո, երբ մասնակից պետությունը հնարավորություն է ունեցել հայտնելու իր դիրքորոշումը, իր անդամների ձայների մեծամասնությամբ որոշել հանդես գալ այդ հարցի վերաբերյալ հրապարակային հայտարարությամբ կամ հրապարակել կանխարգելման ենթակումիտեի հաշվետվությունը

Մ ա ս 4

ԿԱՆԽԱՐԳԵԼՄԱՆ ԱԶԳԱՅԻՆ ՄԵԽԱՆԻԶՄՆԵՐԸ

Հոդված 17

Սույն արձանագրության ուժի մեջ մտնելուց կամ այն վավերացնելուց կամ նրան միանալուց ոչ ուշ, քան մեկ տարի հետո յուրաքանչյուր մասնակից պետություն պետք է հաստատի, նշանակի կամ ստեղծի մեկ կամ մի քանի՝ կանխարգելման անկախ ազգային մեխանիզմ՝ ներպետական մակարդակով խոշտանգումների կանխարգելման նպատակով: ապակենտրոնացված միավորումների կողմից ստեղծված մեխանիզմները կարող են, սույն արձանագրության նպատակներից ելնելով, նշանակվել որպես կանխարգելման ազգային մեխանիզմներ, եթե դրանք համապատասխանում են նրա դրույթներին:

Հոդված 18

1. Մասնակից պետությունները պետք է երաշխավորեն կանխարգելման ազգային մեխանիզմների գործառնական անկախությունը, ինչպես նաև դրանց աշխատակազմերի անկախությունը
2. Մասնակից պետությունները պետք է ձեռնարկեն անհրաժեշտ միջոցներ, որպեսզի ապահովեն կանխարգելման ազգային մեխանիզմի փորձագետների՝ պահանջվող ունակություններն ու մասնագիտական գիտելիքները: նրանք պետք է ջանան ապահովել զենդերային հավասարակշռություն եւ երկրում առկա էթնիկ եւ փոքրամասնությունների խմբերի համարժեք ներկայացվածություն
3. Մասնակից պետությունները պարտավորվում են մատչելի դարձնել կանխարգելման ազգային մեխանիզմների գործունեության համար անհրաժեշտ միջոցները:
4. Կանխարգելման ազգային մեխանիզմներ ստեղծելիս մասնակից պետությունները պետք է պատշաճ կերպով հաշվի առնեն մարդու իրավունքների պաշտպանության եւ խրախուսման ազգային հաստատությունների կարգավիճակին վերաբերող սկզբունքները

Հոդված 19

- Կանխարգելման ազգային մեխանիզմներին պետք է տրվեն առնվազն հետեւյալ լիազորությունները
- Ա) պարբերաբար ուսումնասիրել 4-րդ հոդվածում նշված կալանավայրերում գտնվող ազատազրկված անձանց նկատմամբ վերաբերմունքը՝ նպատակ ունենալով անհրաժեշտության դեպքում ուժեղացնել խոշտանգումներից կամ այլ դաժան, անմարդկային կամ արժանապատվությունը նվաստացնող վերաբերմունքից կամ պատժից նրանց պաշտպանությունը.
 - Բ) խորհրդատվություններ տալ համապատասխան մարմիններին՝ նպատակ ունենալով բարելավել ազատազրկված անձանց նկատմամբ վերաբերմունքը ու ազատազրկման պայմանները եւ կանխարգելել խոշտանգումներն ու այլ դաժան, անմարդկային կամ արժանապատվությունը նվաստացնող վերաբերմունքը կամ պատիժը՝ հաշվի առնելով միավորված ազգերի կազմակերպության համապատասխան նորմերը
 - Գ) ներկայացնել առաջարկություններ եւ դիտողություններ գործող կամ նախագծային փուլում գտնվող օրենսդրության վերաբերյալ

Հոդված 20

- Կանխարգելման ազգային մեխանիզմների կողմից իրենց մանդատի իրականացումն ապահովելու նպատակով սույն արձանագրության մասնակից պետությունները պարտավորվում են նրանց տրամադրել.
- Ա) հնարավորություն՝ ստանալու 4-րդ հոդվածում սահմանված կալանավայրերում գտնվող ազատազրկված անձանց, ինչպես նաև այդ վայրերի քանակի եւ դրանց գտնվելու վայրի մասին ամբողջ տեղեկատվություն

Բ) հնարավորություն՝ ստանալու այդ անձանց նկատմամբ վերաբերմունքի, ինչպես նաև կալանավայրերում նրանց պայմանների վերաբերյալ ամբողջ տեղեկատվությունը

Գ) հնարավորություն՝ մուտք գործելու բոլոր կալանավայրերը եւ դրանց կառույցներն ու շինությունները

Դ) հնարավորություն՝ վարելու առանձնագրույցներ ազատագրկված անձանց հետ՝ առանց վկաների, անձամբ կամ, անհրաժեշտության դեպքում, թարգմանչի միջոցով, ինչպես նաև ցանկացած այլ անձի հետ, ով, կանխարգելման ենթակումիտեի կարծիքով, կարող է համապատասխան տեղեկատվություն տրամադրել

Ե) ազատություն՝ ընտրելու այն վայրերը, ուր ցանկանում է այցելել, եւ այն անձանց, ում հետ ցանկանում է զրուցել

Զ) կանխարգելման ենթակումիտեի հետ կապեր ունենալու, տեղեկատվություն ուղարկելու եւ հանդիպելու իրավունք

Հոդված 21

1. Ոչ մի մարմին կամ պաշտոնատար անձ չպետք է հրամայի, կիրառի, թույլատրի կամ հանդուրժի որեւէ պատժամիջոց որեւէ անձի կամ կազմակերպության նկատմամբ՝ կանխարգելման ազգային մեխանիզմին տեղեկատվություն (ճիշտ կամ սխալ) հաղորդելու համար, եւ ոչ մի նման անձի կամ կազմակերպության որեւէ այլ կերպ չպետք է վնաս հաս

2. Թույլատրվում է ազգային կանխարգելման մարմնի կողմից գաղտնի տեղեկատվություն հավաքելը: ոչ մի անձնական տվյալ չպետք է հրապարակվի առանց շահագրգիռ անձի բացահայտ համաձայնության:

Հոդված 22

Համապատասխան մասնակից պետության իրավասու մարմինները պետք է ուսումնասիրեն կանխարգելման ազգային մեխանիզմի խորհրդատվությունները եւ երկխոսություն ծավալեն նրա հետ դրանց իրականացման հնարավոր միջոցների վերաբերյալ

Հոդված 23

Սույն արձանագրության մասնակից պետությունները միջոցներ են ձեռնարկում ազգային կանխարգելման մարմինների տարեկան հաշվետվությունները հրապարակելու եւ տարածելու համար

Մ ա ս 5

ՀԱՅՏԱՐԱՐՈՒԹՅՈՒՆ

Հոդված 24

1. Վավերացման ժամանակ մասնակից պետությունները կարող են հայտարարություն անել, որ հետաձգում են սույն արձանագրության iii կամ iv մասերով հանձն առնվող իրենց պարտավորությունների կատարումը:

2. Նման հետաձգումը պետք է վավեր համարվի առավելագույնը երեք տարի: մասնակից պետության կողմից պատշաճ պատճառաբանություն ներկայացվելուց եւ կանխարգելման ենթակումիտեի հետ խորհրդակցելուց հետո խոշտանգումների դեմ կումիտեն կարող է երկարացնել այդ ժամկետը լրացուցիչ երկու տարի ժամկետով

Մ ա ս 6

ՖԻՆԱՆՍԱԿԱՆ ԴՐՈՒՅԹՆԵՐ

Հոդված 25

1. Սույն արձանագրության կատարման ընթացքում կանխարգելման ենթակոմիտեի կողմից կատարված ծախսերը կհոգա միավորված ազգերի կազմակերպությունը:

2. Միավորված ազգերի կազմակերպության գլխավոր քարտուղարը կապահովի անհրաժեշտ աշխատակազմ եւ հնարավորություններ սույն արձանագրությամբ նախատեսված՝ կանխարգելման ենթակոմիտեի գործառույթների արդյունավետ իրականացման համար:

Հոդված 26

1. Գլխավոր ասամբլեայի համապատասխան ընթացակարգի համաձայն՝ կստեղծվի հատուկ հիմնադրամ, որը կկառավարվի միավորված ազգերի կազմակերպության ֆինանսական կանոնակարգերի եւ կանոնների համաձայն՝ մասնակից պետություն կատարած այցելության արդյունքների հիման վրա կանխարգելման ենթակոմիտեի կողմից տրված խորհրդատվությունների իրականացման, ինչպես նաեւ կանխարգելման ազգային մեխանիզմների ուսուցման ծրագրերի ֆինանսավորմանը օգնելու նպատակով:

2. Հատուկ հիմնադրամը կարող է ֆինանսավորվել կառավարությունների, միջկառավարական եւ ոչ կառավարական կազմակերպությունների եւ այլ մասնավոր կամ հանրային միավորների կամավոր մուծումների:

Մ ա ս 7

ԵԶՐԱՓՈՒԿԻՉ ԴՐՈՒՅԹՆԵՐ

Հոդված 27

1. Սույն արձանագրությունը բաց է կոնվենցիան ստորագրած ցանկացած պետության կողմից ստորագրվելու համար:

2. Սույն արձանագրությունը ենթակա է վավերացման կոնվենցիան վավերացրած կամ նրան միացած ցանկացած պետության կողմից: Վավերագրերն ի պահ պետք է հանձնվեն միավորված ազգերի կազմակերպության գլխավոր քարտուղարին:

3. Սույն արձանագրությունը բաց կլինի կոնվենցիան վավերացրած կամ նրան միացած ցանկացած պետության միանալու համար:

4. Միանալն ուժի մեջ կմտնի միանալու մասին փաստաթուղթը միավորված ազգերի կազմակերպության գլխավոր քարտուղարին ի պահ հանձնելու միջոցով:

5. Միավորված ազգերի կազմակերպության գլխավոր քարտուղարը սույն արձանագրությունը ստորագրած կամ նրան միացած բոլոր պետություններին կձանուցի յուրաքանչյուր նոր վավերագիր կամ միանալու մասին փաստաթուղթ ի պահ ստանալու մասին:

Հոդված 28

1. Սույն արձանագրությունն ուժի մեջ կմտնի քսաներորդ վավերագիրը կամ միանալու մասին փաստաթուղթը միավորված ազգերի կազմակերպության գլխավոր քարտուղարին ի պահ հանձնելուց:

հետո՝ երեսուներորդ օրը:

2. Քսաներորդ վավերագիրը կամ միանալու մասին փաստաթուղթը միավորված ազգերի կազմակերպության գլխավոր քարտուղարին ի պահ հանձնելուց հետո սույն արձանագրությունը վավերացնող կամ նրան միացող յուրաքանչյուր պետության համար սույն արձանագրությունն ուժի մեջ կմտնի վավերագիրը կամ միանալու մասին փաստաթուղթը ի պահ հանձնելուց հետո՝ երեսուներորդ օրը:

Հոդված 29

Սույն արձանագրության դրույթներն առանց որեւէ սահմանափակման կամ բացառության կտարածվեն դաշնային պետությունների բոլոր սուբյեկտների վրա

Հոդված 30

Սույն արձանագրությանը ոչ մի վերապահում չպետք է արվի:

Հոդված 31

Սույն արձանագրության դրույթները չեն ազդի կալանավայրեր այցելելու համակարգ սահմանող որեւէ տարածաշրջանային կոնվենցիայով մասնակից պետությունների ստանձնած պարտավորությունների վրա: Կանխարգելման ենթակոմիտեն եւ նման տարածաշրջանային կոնվենցիաներով ստեղծված մարմինները խրախուսվում են խորհրդակցել եւ համագործակցել՝ կրկնություններից խուսափելու եւ սույն արձանագրության նպատակներն արդյունավետ կերպով իրականացնելու նպատակով:

Հոդված 32

Սույն արձանագրության դրույթները չեն ազդում ոչ 1949 թվականի օգոստոսի 12-ի՝ ժնեյի չորս կոնվենցիաներով եւ 1977 թվականի հունիսի 8-ին ընդունված դրանց լրացուցիչ արձանագրություններով մասնակից պետությունների ստանձնած պարտավորությունների եւ ոչ էլ միջազգային մարդասիրական իրավունքով չնախատեսված իրավիճակներում կալանավայրեր այցելելու կարմիր խաչի միջազգային կոմիտեին ցանկացած մասնակից պետության կողմից տրված լիազորության վրա:

Հոդված 33

1. Յուրաքանչյուր մասնակից պետություն ցանկացած ժամանակ կարող է դադարեցնել սույն արձանագրության գործողությունը միավորված ազգերի կազմակերպության գլխավոր քարտուղարին գրավոր ծանուցելու միջոցով, որը այդ մասին այնուհետեւ կտեղեկացնի սույն արձանագրության եւ կոնվենցիայի մյուս մասնակից պետություններին: Գործողության դադարեցումն ուժի մեջ կմտնի ծանուցումը գլխավոր քարտուղարի ստանալուց հետո մեկ տարի ան:

2. Այդպիսով, գործողության դադարեցումը մասնակից պետությանը չի ազատի սույն արձանագրությամբ ստանձնած իր պարտավորությունների կատարումից գործողության դադարեցման ուժի մեջ մտնելու օրվանից առաջ տեղի ունեցած ցանկացած գործողության կամ իրավիճակի նկատմամբ կամ այն միջոցների նկատմամբ, որոնք կանխարգելման ենթակոմիտեն որոշել էր կամ կարող էր որոշել ձեռնարկել համապատասխան մասնակից պետության նկատմամբ: Գործողության դադարեցումը որեւէ կերպ չի խոչընդոտի մինչեւ գործողության դադարեցման ուժի մեջ մտնելը կանխարգելման ենթակոմիտեի կողմից քննությանն առնված ցանկացած գործի քննարկման շարունակման:

3. Մասնակից պետության համար գործողության դադարեցման ուժի մեջ մտնելու հաջորդ օրվանից

կանխարգելման ենթակոմիտեն չպետք է սկսի այդ պետության վերաբերյալ որեւէ նոր գործի քննություն

Հոդված 34

1. Սույն արձանագրության յուրաքանչյուր մասնակից պետություն կարող է առաջարկել փոփոխություն եւ այն ներկայացնել միավորված ազգերի կազմակերպության գլխավոր քարտուղարին: գլխավոր քարտուղարը, այնուհետեւ, առաջարկված փոփոխությունը կուղարկի սույն արձանագրության մասնակից պետություններին՝ խնդրելով, որ նրանք իրեն տեղեկացնեն առաջարկությունները քննարկելու եւ դրանց վերաբերյալ քվեարկելու նպատակով մասնակից պետությունների համաժողով հրավիրելուն իրենց հավանության մասին: նման հաղորդագրության օրվանից հետո՝ չորս ամսվա ընթացքում, մասնակից պետությունների առնվազն մեկ երրորդի կողմից նման համաժողովի գումարմանը հավանություն տրվելու դեպքում գլխավոր քարտուղարը հրավիրում է համաժողովը միավորված ազգերի կազմակերպության հովանու ներքո: համաժողովին ներկա եւ քվեարկությանը մասնակցող մասնակից պետությունների երկու երրորդի կողմից ընդունված ցանկացած փոփոխություն միավորված ազգերի կազմակերպության գլխավոր քարտուղարի կողմից կներկայացվի բոլոր մասնակից պետությունների ընդունմ

2. Սույն հոդվածի 1-ին կետի համաձայն ընդունված փոփոխությունն ուժի մեջ կմտնի, երբ կընդունվի սույն արձանագրության մասնակից պետությունների երկու երրորդի կողմից՝ իրենց համապատասխան սահմանադրական գործընթացների համաձայն:

3. Փոփոխությունների ուժի մեջ մտնելուց հետո դրանք պարտադիր կդառնան այն մասնակից պետությունների համար, որոնք դրանք ընդունել են. Մյուս մասնակից պետությունների համար պարտադիր ուժ կունենան սույն արձանագրության դրույթները եւ նրանց կողմից առավել վաղ ընդունված ցանկացած փոփոխությունը

Հոդված 35

Կանխարգելման ենթակոմիտեի եւ կանխարգելման ազգային մեխանիզմների անդամներին իրենց գործառույթների անկախ իրականացման համար կտրվեն անհրաժեշտ արտոնություններ եւ անձեռնմխելիություն: կանխարգելման ենթակոմիտեի անդամներին կտրվեն միավորված ազգերի կազմակերպության՝ 1946 թվականի փետրվարի 13-ի՝ արտոնությունների եւ անձեռնմխելիությունների մասին կոնվենցիայի 22-րդ բաժնով նախատեսված արտոնություններն ու անձեռնմխելիությունը՝ այդ կոնվենցիայի 23-րդ բաժնի դրույթների պահպանմա

Հոդված 36

Մասնակից պետություն այցելություն կատարելիս կանխարգելման ենթակոմիտեի անդամները, չվնասելով սույն արձանագրության դրույթներն ու նպատակները եւ այն արտոնություններն ու անձեռնմխելիությունը, որոնք կարող են նրանց տրամադրվել, պետք է

Ա) հարգեն այցելած պետության օրենքներն ու կանոնները.

Բ) ձեռնպահ մնան իրենց պարտականությունների անկողմնակալ եւ միջազգային բնույթի հետ անհամատեղելի որեւէ գործողությունից կամ գործունեությունի

Հոդված 37

1. Սույն արձանագրությունը, որի արաբերեն, չինարեն, անգլերեն, ֆրանսերեն, ռուսերեն եւ իսպաներեն տեքստերը հավասարազոր են, ի պահ կտրվի միավորված ազգերի կազմակերպության գլխավոր քարտուղարին

2. Միավորված ազգերի կազմակերպության գլխավոր քարտուղարը սույն արձանագրության հաստատված պատճենները կուղարկի բոլոր պետություններին:

Արձանագրությունն ուժի մեջ է մտել 2006 թ. Հոկտեմբերի 14-ից: